

Reglur Fljótsdalshrepps um niðurgreiðslur vegna daggæslu barna í heimahúsum

Reglurnar eiga við þegar barn fær ekki pláss í leikskólum Fljótsdalshéraðs, sem samningar Fljótsdalshrepps við Fljótsdalshérað taka til.

1. gr. Réttur til niðurgreiðslu

Rétt til niðurgreiðslu vegna vistunar hjá dagforeldrum eiga foreldrar með lögheimili í Fljótsdalshreppi, sem fá ekki pláss fyrir börn sín í leikskólum Fljótsdalshéraðs, sem samningar Fljótsdalshrepps við Fljótsdalshérað taka til.

Réttur til til niðurgreiðslu gildir að hámarki frá því að fæðingarorlofi líkur sbr. lög nr. 95/2000, um fæðingar- og foreldraorlof og þar til barni er boðin dvöl í leikskóla. Daggæsla er niðurgreidd allt að 11 mánuði á ári. Ekki er greitt niður með börnum á leikskólum sem dvelja í daggæslu yfir sumartímann.

2. gr. Skilyrði fyrir niðurgreiðslu.

Forsjárforeldri og barn þarf að eiga lögheimili í Fljótsdalshreppi.

Forsjárforeldri sækir um niðurgreiðslu á til þess gerðum umsóknareyðublöðum sem nálgast má á heimasíðu Fljótsdalshrepps, eða á skrifstofu sveitarfélagsins í Végarði.

Umsókn um niðurgreiðslu skal endurnýja fyrir 1. ágúst ár hvert, eða ef hlé verður gert á gæslu.

Dagforeldri þarf að hafa tilskilin leyfi yfirvalda til daggæslu á heimili sínu.

Foreldri er ekki í fæðingarorlofi og fær ekki vistun fyrir barnið í leikskólum Fljótsdalshéraðs sem samningar Fljótsdalshrepps við Fljótsdalshéraðs taka til.

Kvittun frá viðkomandi dagforeldri þarf að liggja fyrir undangenginn mánuð.

3. gr. Fjárhæð niðurgreiðslu

Fjárhæð niðurgreiðslu miðast við vistunartíma barns og greiðist foreldri til lækkunar vistunargjalds hjá dagforeldri.

Sveitarstjórn Fljótsdalshrepps hefur samþykkt að foreldrar barna á leikskóla greiði aðeins fæðisgjald- og foreldrafélagsgjald. Niðurgreiðsla vistunar barna hjá dagmæðrum miðast við að gera foreldra barna sem ekki fá pláss á leikskóla, jafnsetta og tekur niðurgreiðslan mið af því.

Verði samþykkt um greiðslu leikskólagjalda felld niður eða breytt, falla reglur um niðurgreiðslu vegna vistunar hjá dagforeldra úr gildi.

4. gr. Gildistaka

Reglur þessar eru setta skv. heimild í 42. gr reglugerðar um daggæslu barna í heimahúsum nr. 907/2005.

Reglurnar taka gildi við samþykkt þeirra. Ekki verða veittar niðurgreiðslur aftur í tímann, þó umsækjandi hafi átt rétt á þeim.

Reglurnar eru til endurskoðunar árlega í tengslum við gerð fjárhagsáætlunar sveitarfélagsins.